



Broj: 11-11-2-1900/25

Datum: 29.07.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki u 2025. godini, v.d. direktor Federalne uprave policije, d o n o s i

O D L U K U

o izboru najpovoljnijeg ponuđača u predmetu javne nabavke „Nabavka i isporuka policijskih palica“

I.

Prihvata se prijedlog Komisije za provođenje konkurentskih i pregovaračkih postupaka nabavke, u predmetu javne nabavke „Nabavka i isporuka policijskih palica“, te se ugovor dodjeljuje ponuđaču „Patrio“ d.o.o. Sarajevo, čija cijena ponude iznosi 4.500,00 KM bez PDV-a.

II.

Odabrani ponuđač je dužan, u skladu sa tačkom 2. Tenderske dokumentacije, u roku od 5 dana dostaviti dokaze koji su traženi Tenderskom dokumentacijom.

III.

Po okončanju roka za žalbu Ugovorni organ će pozvati izabranog ponuđača radi zaključivanja ugovora.

IV.

Za izvršenje Odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka i isporuka policijskih palica“, broj Obavještenja o javnoj nabavci: 1412-7-1-168-3-105/25.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 8.000,00 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki u 2025. godini, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i Tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, te je utvrđeno da su blagovremeno zaprimljene tri (3) ponude, i to od sljedećih ponuđača: „PATRIO“ d.o.o. Sarajevo, „KM TRADE“ d.o.o. Visoko i „DANIAL S“ d.o.o. Tešanj, kao i da nije bilo neblagovremeno zaprimljenih ponuda.

Komisija je u cilju ispravnosti cijena navedenih u obrascu za cijenu ponude-usluge (Aneks II) izvršila matematičku kontrolu, te utvrdila da su ponude matematički ispravne.

Detaljnim pregledom ponuda Komisija je konstatovala da su ponude naprijed navedenih ponuđača prihvatljive, te da iste ispunjavaju tražene uslove iz Tenderske dokumentacije odnosno ispunjavaju uslove za daljnju evaluaciju.

S obzirom da je Tenderskom dokumentacijom predviđeno održavanje e-Aukcije Komisija je aktom, broj: 11-19/3-11-2-1900/25 od 10.07.2025. godine, uputila dopis Sektoru za finansije i javne nabavke Federalne uprave policije u svrhu provođenja e-Aukcije. Od strane Sektora za finansije i javne nabavke je dostavljen akt, broj: 19/2-11-2-1900/25 od 22.07.2025. godine, odnosno Izvještaj o toku i završetku e-Aukcije u kojem je navedeno da je najpovoljniji ponuđač u predmetnom postupku javne nabavke ponuđač „Patrio“ d.o.o. Sarajevo, sa ponuđenom cijenom 4.500,00 KM bez PDV-a.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

**V. D. DIREKTOR
(Načelnik SKP-a)
GLAVNI INSPEKTOR**

Vahidin Munjić

DOSTAVITI:

- Sektor za finansije i javne nabavke,
- Ponuđačima,
- a/a.-

